



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-850-1/21  
Datum, 28.07.2021. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Petoj sjednici Gradskog vijeća Grada Sarajeva, održanoj 28.07.2021. godine, **predsjedavajući Gradskog vijeća Grada Sarajeva Jasmin Ademović** uputio je **inicijativu** da se Nacionalnoj i univerzitetskoj biblioteci Bosne i Hercegovine za potrebe rada i smještaja vrijedne bibliotekarske građe omogući korištenje prostora u objektu Vijećnice u kvadraturi koja joj pripada prema Glavnom projektu obnove zgrade Vijećnice, a koja je u prilogu ovog akta, te zatražio da se Gradsko vijeće Grada Sarajeva izjasni o podnesenoj inicijativi.

*Gradsko vijeće je podržalo podnesenu inicijativu, te je ona postala inicijativom Gradskog vijeća.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

Dostaviti:

- Gradonačelnici,
- Kolegiju Gradskog vijeće,
- Evidenciji,
- a/a.

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



PRIMLJENO: 21.07.2021.			
Org. jed.	Broj	Prilog	Vrijednost
01	GV-04	850	/21

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

Sarajevo, 21.07.2021. godine

**Predmet:** Vijećnička inicijativa sa prijedlogom Gradskom vijeću da postane inicijativom Gradskog vijeća Grada Sarajeva

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) **podnosim inicijativu da se Nacionalnoj i univerzitetskoj biblioteci Bosne i Hercegovine za potrebe rada i smještaja vrijedne bibliotekarske građe omogući korištenje prostora u objektu Vijećnice u kvadraturi koja joj pripada prema Glavnom projektu obnove zgrade Vijećnice.**

**Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativom Gradskog vijeća Grada Sarajeva.**

#### **Obrazloženje:**

Nacionalna i univerzitetska biblioteka Bosne i Hercegovine osnovana je 31. oktobra 1945. godine kao Narodna biblioteka Federalne Bosne i Hercegovine.

Osnivanjem Univerziteta u Sarajevu, nakon ukazane potrebe, NUBBiH od 1951. godine obavlja funkciju i univerzitetske biblioteke. Tada su u NUBBiH otvorene prve čitaonice namijenjene naučno-nastavnim potrebama, a do danas najveći broj njenih korisnika čine naučni radnici, profesori, istraživači i studenti, kako univerziteta u BiH, tako i regionalnih i međunarodnih istraživačkih centara i obrazovnih ustanova. Pored navedenog, NUBBiH je i članica svih meritornih bibliotečkih asocijacija u Europi i svijetu, gdje aktivno učestvuje u njihovom radu, predstavlja bibliotekarstvo u BiH i promoviše dio kulturnog nasljeđa Bosne i Hercegovine. NUBBiH je do 1992. godine bila smještena u zgradi Vijećnice. U noći sa 25. na 26. avgust 1992. godine stradalo je oko 2.000.000 bibliotečkih jedinica, no uprkos razaranju tokom opsade Sarajeva, najznačajniji dio fonda NUBBiH je sačuvan i sačinjava Specijalne zbirke NUBBiH. Ova Biblioteka baštini blago koje svjedoči o prošlosti BiH i naroda koji u njoj žive, a što je prepoznala i Komisija za očuvanje nacionalnih spomenika BiH, te su Specijalne zbirke dana 02.07.2020. god.

proglašene nacionalnim spomenikom .Bosne i Hercegovine. NUBBiH je od razaranja 1992. godine do danas bila podstanar na više različitih lokacija. Od 1996. godine značajni bibliotečki fond je smješten u neuslovnim prostorijama u Kampusu UNSA. Prema glavnom projektu obnove zgrade Vijećnice koji je izradio Studio URBING d.o.o., a kojim je rukovodila Gradska uprava Sarajeva, NUB-u je predviđen prostor od 2.321,60m<sup>2</sup>, a od otvaranja Vijećnice, tačnije od maja 2014. NUB nije ušao u pripadajući prostor.

Uzimajući u obzir sve navedeno, od izuzetnog je značaja da rukovodstvo Grada u što skorijem roku preduzme sve potrebne mjere i aktivnosti kako bi se ova inicijativa realizovala.

Gradski vijećnik:

Jasmin Ademović, s.r.